



Ilanngussaq Bilag I

Meeqqanut, Inuusuttunut Ilaqutariinnullu
Naalakkersuisoq
iaan@nanoq.gl

Ulloq: 30-03-2022
J.nr.: 01.33.03-00150

UPA2022/159-ip Istanbulimi isumaqatigiissutip akuersissutigineqarnissaanik Inatsisinut Ataatsimiititaliap suliarinninnera

Immikkoortup suliarineqarneranut atatillugu uku akissuteqarfigineqarnissaanik Naalakkersuisut ataatsimiititaliamit qinnuigineqarput:

1. Istanbulimi isumaqatigiissutip sortai Kalaallit Nunaannit maanna eqquutsinneqannginersut tigussaasumik isummernissaminnik Naalakkersuisut qinnuigineqarput.
2. Isumaqatigiissutip siunissami eqquutsinneqarnissaa qulakkeerniarlugu suut iliuitsit tigussaasut Naalakkersuisunit aallartinniarneqarnersut tassunga nangissutitut Naalakkersuisunit isummerfigeqquneqarput.
3. Qimarnguiit maanna neqeroortigineqartut isumaqatigiissutip eqqortinneqarnissaanut naammattutut Naalakkersuisunit isigineqarpat?
4. Oqarasuaatikkut siunnersuinerit maanna neqeroortigineqartut isumaqatigiissutip eqqortinneqarnissaanut naammattutut Naalakkersuisunit isigineqarpat?

Inussiarnersumik inuulluaqqusillunga


Harald Bianco

Inatsisinut Ataatsimiititaliami Siulittaasoq



Inatsisinut Ataatsimiititaliaq, Inatsisartut

Ilanngussaq Bilag 2

12-04-2022
Suliap normua 2022 - 1151
Akt. id. 19738081

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanaoq.gl
www.naalakkersuisut.gl

Istanbulimi Isumaqtigiissutip akuersissutigineqarnissaa pillugu Inatsisinut Ataatsimiititaliap UPA 2022/159-imik suliaqarneranut tunngatillugu

Inatsisinut Ataatsimiititaliamut.

UPA 2022/159-imut apeqqutissinnut qujanaq.

Apeqqutit tullinnguuttuni uteqqinneqarput akineqarlutillu.

1. Istanbulimi Isumaqtigiissutip Kalaallit Nunaata massakkumut suut naammassinniffiginnerai Naalakkersuisut isummernissaannut piumaffigineqarput.

Istanbulimi Isumaqtigiissut siammasippoq amerlasuunillu ersarissunik, artikelinik aalajangersimasunik kiisalu artikelinik siammasissunik ilaannik, politikikkut pingaarnersiuiineq aalajangersimasumik iliuseqarnissamiit orniginarnerusunik pisussaaffiliisunik imaqarpoq.

Artikelinik aalajangersimasunik taasissagaanni tarnikkut nakuusernarnermut tunngatillugu artikel 33, peqataaneq aamma misiliinermut tunngatillugu artikel 41, pinerluuteqarnerup akuerineqarsinnaanngitsumik naapertuilluartuiliornertut isigineqarneranut, matumani "ataqqinassuseq"-mik taaneqartartoq innersuussutigalugu pinerluutigineqartutut ilanngullugit tuungatillugu artikeli 42 kiisalu inatsisitigut oqartussaaffimmud (pillaanermut oqartussaasut) tunngatillugu artikel 44 assersuutitut taaneqarsinnaapput.

Naalakkersuisut paasinninnerat malillugu Isumaqtigiissutip aalajangersimasumik artikeli amerlanerit Kalaallit Nunaata eqquutsissavaat. Taamaattorli artekeleqarpoq Kalaallit Nunaata tamakkiisumik massakkumut eqquutsinngisaannik. Tamanna ilaatigut tarnikkut nakuusernerup pinerluuteqarsimasutut isigineqalerneranut tunngatillugu artikel 33-mut aamma kinguaassiutitigut nakuusernermut, tassani kinguaassiutitigut nakuusernermik atornerluinermillu paasinninneq tunngavigalugit aalajangersakkamik ineriartortitsisumut tunngatillugu artikel 36-mut tunngapput. Pinerluttulerinermut inatsimmut akuersissuteqarneq tunngavigalugu pinngitsaaliisimanermut aalajangersagaq eqqunnissaa pillugu Naalakkersuisut 2021-mi Inatsisinut Atuutsitsinermut Ministereqarfik piumaffigaat, soorlu Naalakkersuisut tarnikkut nakuusernarnerup pinerluuteqarsimasutut isigineqalernissaanut Inatsisinut Atuutsitsinermut Ministereqarfik piumaffiginikuugaat.



Nunanut allamiunut tunngasunut suliassaqarfik nunatsinniilereerpoq, suliassallu qimaanermut tunngasut danskit pisortaqarfianniit suliarineqassapput. Taamaattumik arnanik qimaanissamut qinnuteqartunik illersuinissamut pisussaaffiliisunik artikelinik 59-61-inik Kalaallit Nunaat nammineerluni eqquutsitsisinnaangilaq.

Inatsisinut ataatsimiititaliaq pingasunngornermi ulloq 23. Marts 2022 Meeqqanut, Inuusuttunut Ilaqutariinnullu Naalakkersuisoqarfimmi ataatsimiippoq. Ataatsimiinnermi Kalaallit Nunaata Istanbulimi Isumaqtigiissutip eqquutsinnissaanut tunngatillugu allakkiaq Naalakkersuisoqarfiup eqqartorpaa. Allakkiaq ilanngunneqarpoq. Istanbulimi Isumaqtigiissumminngaanniit artikelinia ataasiakkaani Kalaallit Nunaata isumaqtigiissutip sutigut eqquutsissaneraa nassuiarneqartoq allakkiami misissorneqarpoq. Kalaallit Nunaata Istanbulimi Isumaqtigiissutip eqquutsinnissaanut sukumiisumik nassuiaammut tunngatillugu allakkiamut innersuussisoqassaaq.

Isumaqtigiissummik tamakkiisumik eqquutsisinissaq isumaqtigiissummik atortuulersitsinissamut pissuteqanngitsoq Naalakkersuisut tamanna maluginiarpaat. Istanbulimi Isumaqtigiissut piffissap ingerlanerani Naalakkersuisut eqquutsisinissamut takorluuinerattut isigineqassaaq.

2. Tassunga atatillugu siunissami isumaqtigiissummik eqquutsisinissaq qulakkeerniarlugu Naalakkersuisut aalajangersimasunik suliniutinik sorlernik aallartitsissanersut eqqarsaatigeqqullugu Naalakkersuisut piumaffigineqarput.

Naalakkersuisut qanigisariinni nakuuserarneq akiorniarlugu Kalaallit Nunaanni iliuusissatut pilersaarummik massakkumut suliniummik aallartitsereerput. Iliuusissatut pilersaarutip qanigisariinni nakuuserarnermut pitsaaliuinnermik siunnerfilimmik siunissamullu ungasissumut isigisumik Naalakkersuisut suliaqarnissaat qulakkiissavaa, suliniutillu ilaatigut timikkut tarnikkullu nakuuserarnermut kiisalu innarliisutut pissusilersornernut sammisunik imaqaassalluni. Tamatuma saniatigut iliuusissatut pilersaarut tunngavigalugu ilimagineqartumik suliniutinik aallartitsinissamut atuutsitsilemnessamut pilersaarummik iliuusissatut pilersaarut imaqaassaaq. Tamatuma saniatigut apeqquummut siullermut kiisalu allakkiamut taaneqareersumut akissummut innersuussisoqarpoq.

3. Naalakkersuisut isumaqarpat isumaqtigiissutip eqquutsinnissaanut qimarnguiit pillugit massakkumut neqeroorutit naammattut?

Istanbulimi Isumaqtigiissut qimarnguinik qanoq amerlatigisunik peqassanersoq piumasaqaateqanngilaq. Kalaallit nunaanni qimarnguiit agguataarlugit nunatsinni qulaaluanik peqarpugut. Kalaallit Nunaanni innuttaasut amerlassusaat eqqarsaatigalugit, qimarnguiit qulaalua amerlasoorujuupput. Taamaakkaluortoq nunap isorartunerata ungasissorujussuuneratalu sinerianni inuiaqtigiinni amerlanngitsuni tamani qimarnguiit pillugit neqerooruteqarnissaq ajornarsisissinnaavaat, taamaattorli Naalakkersuisut Istanbulimi Isumaqtigiissut tamanna pillugu eqquutsitsisutut nalilerpaat.

4. Naalakkersuisut isumaqarpat isumaqtigiissutip eqquutsinnissaanut oqarasuaatikkut siunnersuisarnerit pillugit massakkumut neqeroorutit naammattut?

Naalakkersuisut oqarasuaatikkut siunnersuisarfisik Tusaanngap ammasarfii sivittorpaat, taamaasilluni innuttaasut siunnersuisumik tusarnaarsinnaasumik ikiusinnaasumillu attaveqarsinnaanerit ajornannginnerulerluni. Tamatuma saniatigut nakuusertoqartillugu ikiorneqarnissamut politiit ulloq unnuarlutik attavigineqarsinnaanerit periarfissaajuaannarpoq. Aamma immikkut ittumik Kalaallit Nunaat nakuuserartunut oqarasuaatikkut siunnersuivimmik, Alliaq-mik peqarpoq, tassani nakuusernermut pitsaaliuinissamut ikiuineq



pisarpoq. Taamaasilluni Naalakkersuisut isumaqarfigaat Istanbulimi Isumaqatigiissutip tamanna pillugu
Kalaallit Nunaat aamma naammassinnissasoq.

Inussiarnersumik inuulluaqqusillunga

Mimi Karlsen



Allakkiaq

31-01-2022
Suliap normua. 2022 - 442
Akt. id. 18955402

Postboks 260
3900 Nuuk
Tlf. (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl

Kalaallit Nunaata artikilinut malinnissinnaanera pillugu qulaajaanissaq siunertaralugu Istanbulimi isumaqatigiisummi artikilinut oqaaseqaatit

Tunuliaqutaasoq

Arnanut nakuusertarneq angerlarsimaffinnilu nakuusertarneq pitsaaliorniarlugit akiorniarlugillu Europarådip isumaqatigiisutaanik (Istanbulimi isumaqatigiisummik) Kalaallit Nunaata akuersissuteqarnissaa pillugu UPA2022-imi aalajangiiffigisassatut siunnersuummik saqqummiussisoqassaaq. Tamanna UKA 2021/146-
imik atortuulersitsinertut pissaaq.

Kapitali I - Siunertaq, nassuiaatit naligiissitaaneq aamma immikkoortitsinnginnissaq, nalinginnaasumik pisussaaffiit

Artikili 1 - Isumaqatigiisutip siunertaa: Aalajangersagaq anguniakkanik nalunaarutiginnippoq aamma peqataasut suliniutinik aalajangersaavigineqariinngitsunik suliniuteqarnissaat naatsorsuutigineqarpoq.

Artikili 2 – Isumaqatigiisutip atuuffia: Peqataasut suliniutinik aalajangersaavigineqariinngitsunik suliniuteqarnissaat aalajangersakkami naatsorsuutigineqarpoq.

Artikili 3 - Nassuiaatit: Peqataasut suliniutinik aalajangersaavigineqariinngitsunik suliniuteqarnissaat aalajangersakkami naatsorsuutigineqarpoq.

Artikili 4 - Tunngaviusumik pisinnaatitaaffiit, naligiissitaaneq aamma immikkoortitsinnginnissaq: Nalinginnaasumik angutit arnallu naligiissitaanissaat aallaavigalugu Naalakkersuisut sulipput. 2013-imi Angutit arnallu naligiissitaanissaat pillugu Inatsisartut inatsisaat Inatsisartut akuersissutigaat, tassuunalu suaasuseq tunngavigalugu immikkoortitsineq imaluunniit inuup peqqusiileqitinneqarnissaa kinguaassiuutigulluunniit peqqusiileqitinneqarnissaa inerteqqutaalerpoq. Tamatuma saniatigut arlaannaannulluunniit attuumassuteqanngitsunik Naalakkersuisut naligiissitaanermut siunnersuisoqatigeeqarput, taakkulu arnat angutillu akornanni naligiissitaanerup siuarsarneqarnissaanik suliaqarput. Nakuusertarnerup pitsaaliorneqarnissaa akiorneqarnissaalu Naalakkersuisut anguniagassatut takorluugaasa pingaarnersaasut ilagivaat.

Artikili 5 – Naalagaaffiit pisussaaffii aamma piffissaagallartillugu iliuuseqarneq: Nakuuserneq pinerluttulerinermi inatsisip kapitali 19-iani pinerluutaavoq (§ 88 – nakuuserneq), inatsillu ingerlaavartumik pitsanngorsarneqartarpoq.

Artikili 6 – Suaaassutsit assigiinngissutaannik eqqarsaatiginnittumik politikeqarneq. Aalajangersimasunik suliniuteqartoqanngilaq.



Kapitali II: Politikit imminnut atasut paasissutissanillu katersineq

Artikili 7 – Politikit annertuut ataqatigiissaagaasullu: Qanigisariinni nakuusertarneq pitsaaliorniarlugu iliuusissanut pilersaarummik Meeqqanut, Inuusuttunut Ilaqutariinnullu Naalakkersuisoqarfik suliaqaleruttorpoq. Tamatuma saniatigut innuttaasunut nakuusertartunut kinaassutsimik isertuussilluni neqeroorut "Alliaq" Isumaginninnermut Aqutsisoqarfiup ingerlappaa. Psykologinik oqaloqatiginnikkut nakuusertartut ileqquminnik allanngortitsinissaminut ikiorneqarsinnaapput.

Artikili 8 – Aningaasatigut isumalluutit: Aningaasanut inatsimmi ukiut tamaasa aningaasaliissutinik immikkoortitsisoqartarpoq. Nakuusertarneq akiorniarlugu Naalakkersuisut periusissatut iliuusissanullu pilersaarutaat naapertorlugu Isumaginninnermut Aqutsisoqarfiup kontuani 30.01.02-mi nakuusernemi eqqugaasunut siunnersuisarfimmik pilersitsinissamut aningaasanik immikkoortitsisoqarpoq. Kontumi 30.01.03-mi isumaginninnermut suliaqarfimmi pikkorissaanissanut aningaasanik immikkoortitsisoqarpoq, matumani ornittakkani, qimarnguinni ilaqutariinnilu sullissivinni sulisunut pikkorissartitsinerit ilanngullugit. Ilaatigut ilaqutariinnik aqutissioqatigiissitsineq pikkorissaassutigineqartarpoq. Kontumi 30.10.45-mi arnanut nakuuserfigineqarsimasunut meeralinnut Nuna tamakkerlugu qimarnguik katsorsaavisoq kiisalu angalaaqatigiittartut, meeqqanut inersimasunullu atorerlunneqarsimasunut katsorsaanermik neqerooruteqartartut, aningaasanik immikkoortitsivigineqarput. Kontumi 30.10.48-mi Killiliisa aamma nakuuserneq akiorniarlugu pitsaaliuisumik isumaginninnermi suliniutit, matumani Alliaq ilanngullugu, aningaasaliissutit immikkoortinneqarput. Inatsisit atuutsinneqarnerannut suliaqarfimmi aningaasaliissutit qallunaat naalagaaffiannit aningaasaliissutigineqartarput. Nakuusertarneq akiorniarlugu periusissimik Naalakkersuisut maanna suliaqarput. Taanna aamma aningaasanut inatsimmi takuneqarsinnaassaaq.

Artikili 9 – Suliffeqarfiit naalagaaffimmiittuunngitsut innuttaasullu suliniaqatigiiffii: Inuit pisinnaatitaaffii pillugit Siunnersuisoqatigiit politikikut arlaannaannulluunniit attaveqarnatik Kalaallit Nunaanni inuit pisinnaatitaaffiit tunngatillugu qulakkeerinnittussaapput siunnersuisussaallutillu. Siunnersuisoqatigiit Inuit Pisinnaatitaaffii pillugit Siunnersuisoqatigiit pillugit Inatsisartut inatsisaat nr. 20, 27. november 2018-imeersoq malillugu aalajangersarneqarput. Tamatuma saniatigut Naligiissitaanermut Siunnersuisoqatigiit arnat angutillu immikkoortitaasarnemat akiorniarlugu ikiuuttarput. Assingusumik taaneqarsinnaavoq PiSiu – Kalaallit Nunaanni Pinerlutsaaliuinnermut Siunnersuisoqatigiit, taanna Kalaallit Nunaanni pinerluuteqartarnerup pitsaaliorneqarneranik suliaqarpoq.

Artikili 10 – Suliffeqarfik ataqatigiissaarisooq: Akisussaaffik Meeqqanut, Inuusuttunut Ilaqutariinnullu Naalakkersuisoqarfimmiippoq.

Artikili 11 – Paasissutissanik katersineq – ilisimatusarnerlu: Isumaginninnermi inatsisillu atuutsinneqarnerannut suliaqarfimmi oqartussaasunit attuumassuteqartunit paasissutissanik ingerlaavartumik katersisoqartarpoq, soorlu aamma paasissutissat katersorneqartarnerisa pitsannorsaavigineqarnerat ingerlaavartumik sulissutigineqartarpoq.

Kapitali III: Pitsaaliuineq

Artikili 12 – nalinginnaasumik pisussaaffiit: Meeqqanut, Inuusuttunut Ilaqutariinnullu Naalakkersuisoqarfiup suliaq annertunersaa suliarisarpaa.

Artikili 13 – Paasititsiniaaneq: Pissutsit kannguttaatsuliornermut angerlarsimaffimilu nakuusernertut tunngassuteqartut pillugit Politiit Naalakkersuisullu inuiaqatigiinni paasititsiniaanernik suliaqarput. Ukiuni kingullerni aamma siumut isigisumik, iliuutsit ilaannik akuerisassaangitsunik iliuuseqarfigineqartarpoq pillugu ilisimasaqarnerup siuarsarnissaa, ingammik meeqqat pillugit, Naalakkersuisut ukkataraat. Tamatuma peqatigisaanik eqqugaasut sassarnissaannut ikiuineq ukkatarineqarpoq.



Artikili 14 – Ilinniartitaaneq: Ilaatigut ulluunerani neqeroorutit “Meeraq inuiaqatigiinni kiffaanngissuseqartuni akisussaalluni inooqataanissamat piareersassallugu, paaseqatigiinneq, eqqissineq, akaareqatigiinneq, suaassutsikkut naligiissuseqarneq- inuit akornanni ikinngutigigiinneq...”, siunertarinqartoq, Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. december 2012-meersumi takuneqarsinnaavoq. Atuartitsissummi “Inuttut ineriartorneq”, 1. Klassimiit 10. klassi ilanngullugu pinngitsuugassaannngitsumik atuartitsissutigineqartussaasumi, ilaatigut arnat angutillu akornanni naligiissitaaneq, ataqeqatigiinneq, inuit akornanni akkerliinnerni nakuusernertaqanngitsumik aaqqiisinnaaneq aamma inuttut innarligassaannnginneq suliarineqartarput, tamakkulu taama tulleriillutik, atuartut agguarneqarneranni nukarlerni, akullerni angajullernilu ilikkagassatut anguniagassani piviusumik takuneqarsinnaapput. Tamatuma saniatigut Kalaallit Nunaanni Timersoqatigiit Kattuffiata ataqeqatigiinnissaq, akkerliinnerni nakuusernertaqanngitsumik aaqqiisarnissaq aamma meeqqanut inuusuttunullu kinguaassiuutitigut atornerluisarnerup pitsaaliorneqarnissaa pillugit ileqqorissaarnermi naleqartitat tunngaviillu aalajangersarsimavai.

Artikili 15 – Sulianik suliarinnittunik ilinniartitsineq. Isumaginninnermut suliaasaqarfimmi Ilinniartitsinerмик suliniuteqarnermut atatillugu ilinniartitseqqinnerit, ilaqutariinnut siunnersuisutut ilinniarneq aamma angerlarsimaffinni nakuuserarneq kiisalu qanigisariinni nakuuserarnerup akiorniarneqarneranik suliaqarnermut atatillugu pitsaaliuinnermut katsorsaanermullu atatillugu psykoterapeutit ilinniarneq neqeroorutigineqarput. Ilinniartitsinerit sulianik sulialinnut toraarinnipput taakkumi siuliani isumaginninnermut, perorsaanermut imaluunniit peqqissaanermut tunngasunik ilinniagaqareersimapput. Taamatuttaaq isumaginninnermut siunnersortinngorniarnermi, ilinniartitsisunngorniarnermi- aamma perorsaasunngorniarnermi inuit pisinnaatitaaffii, suaassuseq aamma kulturikkut isumaginninnikkullu isiginniffiit pillugit ilinniartitsisoqartarluni. Tamatuma saniatigut isumaginninnermi suliaasaqarfimmi sulisunut isumaginninnermut aqutsisoqarfik ingerlaavartumik pikkorissaasarpog, ilaatigut ilaqutariinni aqutissioqatigiissitsineq pikkorissaasutigineqartarluni.

Artikili 16 – Pitsaaliuilluni akuliunneq aamma katsorsaanermi programmit: Alliaq inersimasunut nakuuserartanut saaffiginnippoq. Psykologinik oqaloqateqarneq aqutigalugu nakuuserartog, qanoq iliortarnermi allanngortinnissaa aamma isummammi pissusaata nakkutiginnissaa ilinniartarparaa. Tamatuma saniatigut eqqarsarneq, misissuineq, misilittakkat assigisaallu atorlugit qanoq iliutsinik aaqqiisinnaanermik tunngaveqartup programmip, MUMIK-up isertitsivinni suliarineqarsimasup, pilerseqqinneqarnissaa pillugu 2021-imi pilersaarut suliarineqarpoq. Iltersuisunik amigaateqarneq MUMIK-mi unammillernartuusimavoq, kisianni iltersuisut amerlanerusut ilinniartinneqarnissaat pillugu pilersaarusiortoqarsimavoq.

Artikili 17 – Namminersorlutik inuusutissarsiuuteqartut aamma tusagassiuutit ilanngunneqarnerat: Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersumi siunertarisaq pillugu aalajangersakkami, ammip qalipaataat pillugu, suaassutsimut, upperisamat, immikkut inuiaassutsimut, inuiannut, politikikkut isummamut imaluunniit inuit atoqateqartarnermikkut qanorluunniit inissisimanagerat pillugit uumissuinerмик ilalersuinerмик imallit aallakaatitassiat aallakaatinneqarsinnaanngitsut takuneqarsinnaavoq. Tunngaviit taakku taamatuttaaq paasititsiniaanerni- aamma isummat allanngortinniarlugit sunniiniarnerni atuupputtaaq.

Kapitali IV: Illersuineq tapersersuinerlu

Artikili 18 – Nalinginnaasumik pisussaaffiit: Politiit isumaginninnermillu oqartussat akornanni suleqatigiinnissamik suliniutit arlallit ipput, matumani kommunit ilanngullugit. Taakkua saniatigut PiSiu (Kalaallit Nunaanni Pinerlutsaaliuinerмик Siunnersuisoqatigiit) atuuppoq. Eqqugaasut tapersorneqarnissaannut suliniutinut, eqqugaasup politiinut nalunaarutiginnikkusunnerмик imaluunniit pinerluttumut ilisimasalittut nalunaajaanissaminut piumassuseqarnera apeqquataatinneqanngilaq.



Artikili 19 – Paasissutissiineq: UKA 2021-imi Inatsisartut “eqqugaasut pillugit aalajangersakkat” akuersissutigaat, taakkuli ilaatigut eqqartuussinerup ingerlanerani aamma pinerluuteqartup iperagaanerani imaluunniit aninerani eqqugaasunut annertunerusumik paasissutissiisarnissamik pisussaaffeqalersitsipput. Tamatuma saniatigut eqqartuussisarnermik inatsit malillugu politiit illersuisoqarsinnaanermik periarfissaq pillugu ilitersuisussaataapput, taanna suliap ingerlanerani eqqunngitsuliorfigineqartumut tapersersuisussaavoq, aamma killisiuinermut atatillugu imaluunniit apeqquteqarneq malillugu pinerluuteqarnermik eqqugaasut taarsiivigineqarsinnaanerit pillugu atuagaaqqamik tunniussissapput.

Artikili 20 – Nalinginnaasumik tapersersuinissamik neqeroorutit: Sapaatip akunnerani ullut tamaasa nalunaaquttap akunnerini 24-imi innuttaasut peqqinnissaqarfik oqarasuaat atorlugu attavigisinnaavaat. Tamatuma saniatigut lkiu aqqutigalugu akeqanngitsumik inatsisitigut siunnersorneqarnissaq periarfissaavoq, taannalu Kalaallit Nunaanni innuttaasunut tamanut ikiuisarpoq.

Artikili 21 – Inuttut ataatsimoorulluguluunniit naammagittaalliuuteqarnermi ikiorneqarneq: Isumaginninnermi naammagittaalliuuteqartarfik isumaginninnermut suliasaqarfimmi naammagittaalliuuteqartarfiuvoq. UKA 2021-mi “eqqugaasut pillugit aalajangersakkat” akuersissutigineqartut (artikilip 19-p ataani allaaserineqartut) suliap ingerlanerani eqqugaasup ilitersorneqarnissaa pillugu aalajangersakkanik imaqarpoq, soorlu aamma eqqartuussivimmi suliap suliarineqarnerani eqqugaasoq illersortimit tapersersorneqarsinnaasoq.

Artikili 22 – Immikkut ittumik tapersersorneqarnissamik neqeroorutit: Ilaqutariinnut sullissiviit nunami siammarsimapput aamma akeqanngitsumik oqarasuaatikkut siunnersuisarfik Tusaannga tamatigut attavigineqarsinnaavoq.

Artikili 23 – Qimarnguiit: Nunamut tamarmut qimarngui- katsorsaavillu Illernit Qeqertarsuarmiittoq arnanut nakuuserfigineqarsimasunut taakkulu meeraannut ukioq ataaseq tikillugu ilisimasalinnit katsorsarneqarnissamik tapersersuinermillu neqerooruteqarpoq. Kommune aqqutigalugu Illernernut innersuussisoqartarpoq.

Artikili 24 – Oqarasuaat aqqutigalugu siunnersuineq: Tusaannga kinaassutsimik isertuussilluni meeqqanut inersimasunullu saaffiginnittarfiuvoq akeqanngitsaq, tassani ikiorneqarnissaq pillugu, ajornartorsiutigineqartullu suugaluartulluunniit pillugit oqaloqateqarnissaq pillugu saaffiginnittoqarsinnaavoq.

Artikili 25 – Kinguaassiuutitigut nakuuserfigineqarnermik eqqugaasunut tapersersuineq: Killiliisa – Lad os sætte grænser. Kinguaassiuutitigut atornerluisarneq akiorniarlugu Naalakkersuisut periusissiaat 2018-2022. Kinguaassiuutitigut atornerluisarnerit amerlassusaasa ikilisinneqarnissaat aamma kinguaassiuutitigut atornerlunneqarsimasunut pitsaanerpaamik ikiuinissaq tapersersuinissarluni periusissiami siunertarineqarpoq. Tamatuma saniatigut pinngitsaaliisimaneq imaluunniit kinguaassiuutitigut nakuusersimaneq pillugu suliani politiit nakorsat pinerlussimanermik paasiniaanissaat piumasaqaatigisarpaat.

Artikili 26 – Meeqqat ilisimannittuusimasut illersorneqarnerat tapersersorneqarnerallu: Suliaq Meeqqanut, Inuusuttunut Ilaqutariinnullu Naalakkersuisoqarfimmiippoq.

Pinerluttulerinnermi suliami meeqqat ilisimannittutut video atorlugu killisiorneqarsinnaanerit 2014-imi periarfissaalerpoq. Taamaalilluni meeraq eqqartuussivimmi ilisimannittutut sassarnissaminut asattuunneqarpoq. Kalaallit Nunaanni meeqqanut inuusuttunullu atugarliortunut pitsaanerusumik suliniuteqarnissaq pillugu kalaallit qallunaallu oqartussaasoqarfiisa assigiinngitsunik suliallit akornanni suleqatiginnermi suliniimmi 12-imi politiini immikkoortumik, meeqqat inuusuttullu kinguaassiuutitigut atornerlunneqarsimasut pillugit pimoorussilluni suliaqartussamik pilersitsinissaq pineqarpoq.



Artikili 27 – Nalunaarutiginninneq: Innuttaasut pinerluuteqarnernik nalunaarutiginnittarnissaannut kajumissisinnissaat, matumani nakuusernerit- aamma kinguaassiuutigut pinerluuteqarnerit ilanngullugit, siunertaralugu Kalaallit Nunaanni politiit paasititsiniaasarput. Tamatuma saniatigut meeqqap nakuuserfigineqarsimaneranik imaluunniit kinguaassiuutigut atonerlunneqarsimaneranik imaluunniit ilisimannittuusimaneranik, inuit meeqqanik sullissisut qanoq ilillutik maluginnissinnaanerit aamma inersimasut taamaattoqarsimatillugu suna suliarissaneraat nalunaarutiginnittussaanerallu pillugit politiit siunnersuutaasunik paasititsiniaanermik ingerlatsisarput.

Artikili 28 – Sulianik suliarinnittunit nalunaarutiginninneq:

Nalunaarutiginnittussaaneq nipangiussisussaataaermit salliutinneqartarpoq. Tamanna inatsisiliornermi arlalinni toqqaannartumik takuneqarsinnaavoq.

Kapitali V: Inatsisini pisinnaatitaaffiit akisussaaffiillu nassuiarneqarnerat

Artikili 29 – Inuinnaat eqqartuussivinnut tunniussisarnerat aamma eqqartuussinermi eqqartuusseriaatsit: Eqqartuussisarnermik inatsimmi § 336 malillugu pinerluttulerinermik suliap ingerlanerani eqqugaasut inuinnartut piumasaqaatit pillugit eqqartuussisunut tunniussisinnaapput. Tamatuma saniatigut eqqartuussisarnermik inatsimmi § 210 malillugu oqartussaasut tigussaasumik allaffii aqutugalugit Kalaallit Nunaanni Namminersorlutik Oqartussat imaluunniit qallunaat naalagaaffiat eqqartuussisunut suliaassanngortinneqarsinnaapput.

Artikili 30 – Taarsiivigitinneq: Eqqartuussisarnermik inatsimmi § 334 malillugu pinerluttulerinermik suliap ingerlanerani, pinerluuteqarnermi ajoqusiinermik eqqugaasup pinerluuteqartumit taarsigassarsitinneqarnissaa eqqartuussiviup aalajangiiffigisinnaavaa. Eqqugaasup tamanna piumasaqaatigippagu, suliap ingerlanerani politiit piumasaqaat atuutilersissavaat.

Artikili 31 – Angajoqqaatut oqartussaataaneq, najortigiissinnaatitaaneq aamma isumannaatsuuneq:

Angajoqqaatut oqartussaataaneq pillugu imaluunniit najortigiissinnaaneq pillugu (imaluunniit najugaqarfik pillugu) suliani eqqartuussisoqarnerani naalagaaffiup aningaasartuutinik akiliinissaa pillugu aalajangiisooqartussaattillugu, qinnuteqaammi eqqugaasup meeqqalluunniit nakuuserfigineqarnissamik imaluunniit assigisaanik navianartorsiortinneqarnerata takuneqarsinnaanissaa pingaaruteqarluinnarpoq.

Artikili 32 – Pinngitsaaliissummik aappariilersitsisarnerup inuinnaat akornanni

eqqartuussisutigoortitsisarnerni kingunerit. Aappariilersarnermut malittarisassat tiguneqarsimangillat, kisianni Naalagaaffimmi oqartussaasuinut ataqatigiissaarinnermut akisussaaffik Meeqqanut, Inuusuttunut Ilaqutariinnullu Naalakkersuisoqarfimmiippoq. Aappariilersarneq aappariikkunnaartarnerlu pillugit inatsit pillugu peqqussut malillugu, aappariilersut aappaa aappariilernissamut pinngitsaalineqarsimappat, aappariinneq atorunnaarsinneqarsinnaavoq. Kinaluunniit piumangikkaluartoq pinngitsaalillugu iliuseqartinneqarsimatillugu pinerluttulerinermi inatsimmi § 91-imi pillaaaneq ilaatinneqarpoq, matumani aappariilersarneq ilanngullugu.

Artikili 33 – Tarnikkut nakuuserneq: Tarnikkut naluuserarneq pillugu Kalaallit Nunaanni pinerluttulerinermi inatsimmi immikkut ittumik aalajangersakkamik eqqusseqqullugu qallunaat Justitsministereqarfiat qinnuigineqarsimavoq. Manna tikillugu tarnikkut nakuuserneq pinerluttulerinermi inatsimmi nakuuserneq pillugu § 88-imi, inatsisit unioqqutillugit pinngitsaalineq pillugu § 91-imi imaluunniit qunusaarinerit pillugit § 98-imi ilaatinneqarput.

Artikili 34 – Aaqqissuussaasumik malersuineq (stalking): Aaqqissuussaasumik malersuineq pinerluttulerinermi inatsimmi qunusaarineq pillugu § 98-imi ilaatinneqarsinnaassaaq, aamma



pinerluttulerinermi inatsit malillugu qanilleqqusinninnermik, qanilleqqusinninneq, najugaqataasinnaannginneq aamma anisitsisarneq pillugit inatsit malillugu atuutilersinneqarsimasoq, unioqqutinneqarsimatillugu pineqaatissiissutigineqarsinnaavoq.

Artikili 35 – Timikkut nakuuserneq: Nakuuserneq pinerluttulerinermi inatsimmi § 88 malillugu pinerluutinngortinneqarnikuuvoq.

Artikili 36 – Kinguaassiuutitigut nakuuserneq, matumani pinngitsaaliineq ilanngullugu: Pinerluttulerinermi inatsimmi § 77 malillugu pinngitsaaliineq pinerluutinngortinneqarnikuuvoq. Kalaallit Nunaanni pinerluttulerinermi inatsimmi akuersissuteqaqqaarnissamik tunngavilimmik pinngitsaaliineq pillugu aalajangersakkamik eqquassinissaa pillugu qallunaat Justitsministereqarfiat 2021-imi qinnuigineqarpoq.

Artikili 37 – Pinngitsaalillugit aappariilersitsisarnerit: Kalaallit Nunaanni inatsiliornermi pinerluutinngortinneqanngilaq. (Artikili 32 takuuk)

Artikili 38 – Arnat utsuisa alittorneqartarnerat: Pinerluttulerinermi inatsimmi nakuuserneq pillugu § 88-imi artikili ilaavoq. Iliuutsit pillugit pinerluutinngortitsisumik immikkut ittumik aalajangersagaqanngilaq.

Artikili 39 – Pinngitsaaliissummik naartuersittarneq- aamma meerartaarsinnaajunnaarsitsisarneq: Arnaq akuersiteqqaarnagu naartuersititsineq piviusumik nakuusernerussaaq pinerluttulerinermi inatsimmi § 88-imi ilaasoq. Peqqinnissaqarfimmi, pinasuartumik iliuuseqartoqarnissaa pineqartinagu, tassani napparsimasoq akuersissuteqarnissaminik periarfissaqarnani, aamma napparsimasup inuinnarnissaanut imaluunniit katsorsarneqarneranut pingaaruteqarluinnartinnagu, erngerluni katsorsaanissami arnaq akuersiteqqaarlugu naartuersititsisoqartarpoq aamma pilaasoqartarpoq. Tamaaliorneq qaqtigorujuussuaq naartuersitsinertaqartarpoq. Pisuni arnap, tarnikkut napparsimaneq assigisaaluunniit pissutigalugit, naartuersinnissaminik akuersissuteqarfigisinnaanngisaani, immikkut ittumik angajoqqaatut akisussaataasumit innersuussineq malillugu, isumasioqatigiit immikkut atuutilersinneqartut aalajangiisnaapput. Nammineersinnaajunnaarsitanik, tarnimikkut napparsimasunik, ineriartormikkut akornutilinnik imaluunniit assigisaannik meerartaarsinnaajunnaarsitsineq, arnaminit aamma taassuma angajoqqaatut oqartussaasuinit imaluunniit angajoqqaatut akisussaataasuanit innersuussinikkut, isumasioqatigiit isumaqatigiissut akuersissuteqarnerisigut taamaallaat pisinnaavoq.

Artikili 40 – Kinguaassiuutitigut kannguttaatsuliorfiginninneq: Toqqaannartumik pinerluttulerinermi ilaatinneqanngilaq, kisianni naligiissitaanermut inatsit malillugu inerteqqutaalluni. Suliffeqarfiit ataasiakkaat iluminni tamanna pillugu politikeqarsinnaapput.

Artikili 41 – Peqataaneq aamma misiliineq: Kajumissaarneqarnikkut, siunnersuinikkut iliuuseqarnikkullu iliuuseqataaneq pinerluttulerinermi inatsimmi § 13-imi pinerluutinngortinneqarpoq. Pinerluuteqarnermik siuarsaanissaq imaluunniit pinerluuteqarnerup suliarineqarnissaanik iliuutsit siunertaqartut, pinerluttulerinermi inatsimmi § 12-imi pinerluutinngortinneqarput.

Artikili 42 – Pinerluuteqarnerup akuerineqarsinnaanngitsumik naapertuilluartuliornertut isigineqarnera, matumani "ataqqinassuseq"-mik taaneqartartoq innersuussutigalugu pinerluutigineqartartut ilanngullugit. Pinerluttulerinermi inatsimmi aalajangersagaqanngilaq, taamaammat qajassuussinissamat pissutissaqanngilaq, imaluunniit kulturi, ileqqut, upperisaq, ilitsoqqussat imaluunniit "ataqqinassuseq" innersuussutigalugit iliuuseq naapertuilluartuliornertut isigineqarsinnaanani.



Artikkel 43 – Iliuutsitut pillaatissiissutigineqarsinnaasutut inissiineq: Nakuusernerit isumaqatigiisummi taaneqartut, eqqugaasup pinerluuteqartullu akornanni pissutsit qanoq ikkaluarpataluunniit pinerluttulerinermi inatsimmi pillaatissiissutigineqarsinnaapput. Pinerluttulerinermi inatsimmi pinngitsaalisarneq pillugu aalajangersagaq 2019-imi allangortinneqarpoq, taamaalilluni, eqqugaasoq pinerluuteqartorluunniit katissimappata katissimangikkaluarpataluunniit, ullumikkut inummik naaggaarsinnaanngitsumik atoqateqarneq pillaatissiissutaavoq.

Artikili 44 – Inatsisitigut oqartussaaffik (pillaanermut oqartussaasut): Inatsisitigut oqartussaaffik pillugu malittarisassat pinerluttulerinermi inatsimmi § 4-mi takuneqarsinnaapput, taakkulu artikilimi piimasaqaatitut allattorneqartut assigaat.

Artikili 45 – Iliusereriikkamut kinguneqartitsineq aamma pineqaatissiineq: Pinerluttulerinermi inatsimmi § 147 malillugu inissiisarfimmi inissiinermik pineqaatissiinermut ukiut 10 tikillugit pineqaatissiisinaaneq killiliunneqarpoq. Pinerluttulerinermi inatsimmi unioqquitsinernut tamanut taanna atuuppoq. Angajoqqaat akisussaataanerannut inatsit 2021-mi allangortinneqarpoq, taamaalilluni Eqqartuussiviup aamma Naalagaaffiup Sinniisoqarfiata aalajangiitillutik, meeqqap atugarissaarnissaanik aamma meeqqap nakuusernermut navianaammulluunniit allamut illersorneqarnissaa pillugit ukkatarinninnissaanik pisussaaffilerneqarput. Angajoqqaap aappaata aapparisanit toquppagu, angajoqqaajusup meeqqamut angajoqqaatut oqartussaataani ingerlaanaq tignaviangikkaa, tamatumpeqatigisaanik eqqunneqarpoq. Taamaattoqartillugu meeqqamut pitsaannerususaq aallaavigalugu eqqartuussivik aalajangiissaaq.

Artikili 46 – Pissutsit sukannererusumik kinguneqartitsissutaasartut: Unioqquitsisoqartillugu pissutsit sukannererusumik kinguneqartitsissutaasartut pillugit pinerluttulerinermi inatsimmi immikkut ittunik aalajangersagaqanngilaq. Pineqaatissiinerup suunissaanik qanorlu sivisutiginissaanik toqqaasoqartillugu uku eqqarsaatigineqassapput 1) inatsisinik unioqquitsinerup qanoq peqqarniitsigisimanera, matumani taama pisoqartarnerata akiorneqarnissaata inuiaqatigiinnit soqutiginninneq ilanngullugu, aamma 2) pinerluuteqartup inuttut atugarisai, matumani pineqartup pinerluuteqaqqinnginnissaanut pisariaqartinneqartut naatsorsuutigisat ilanngullugit.

Artikili 47 – Eqqartuussutit allamit eqqartuussutigineqartut: Uteqqiasumik pinerluuteqarsimagaanni naalagaaffinnit allamit eqqartuussutigineqartut pillaatisiap sakkortusineqarnissaanik kinguneqarsinnaanerit pillugu immikkut ittunik aalajangersakkanik peqanngilaq, kisianni Kalaallit Nunaanni eqqartuussutigineqartut uteqqiasumik pinerluuteqarsimagaanni pillaatisiap sakkortusineqarnissaanut sunniuteqarnissaat naatsorsuutigineqarpoq.

Artikili 48 – Pinngitsuugassaannngitsumik aaqqiagiinnginnerup allatut aaqqinneqarnissaanut peqataanissamut eqqartuunneqarnissamulluunniit inerteqquteqarneq. Kalallit Nunaanni aaqqiagiinnginnerit aaqqinneqartarnissaat pillugit ullumikkut malittarisassaqanngilaq, taamaattulli eqqunneqassagaluarpata, nammineq kajumissutsimik tunngaveqarluni peqataaffigineqarnissaat eqqumaffiginiarneqarpoq.

Kapitali VI: Pinerluttoqarsimaneranik paasiniaaneq, eqqartuussivimmuut tunniussineq, eqqartuussisarneq aamma illersorneqarnissaaq pillugu iliuutsit

Artikili 49 – Nalinginnaasumik pisussaaffiit: Nakuusernerit pillugit suliat politiinit eqqartuussivinnillu pingaartillugit salliutillugit suliariniarneqartarput. Tamanna inatsisitigut aalajangersagaanngilaq, kisianni suliffeqarfiit iluminni suliat suliarineqarnissaannut piffissaliussat pillugit anguniagassatut aalajangiussaasa ilagaat.



Artikili 50 – Erngerluni qisuariaateqarneq, pitsaaliuineq aamma illersuineq: Oqartussaasuni tamani nakuusernerup pitsaalioneqarneranik akiorneqarneranillu sulineq suliassat tulleriarneqarneranni qaffasissumi inissinneqartarpoq.

Artikili 51 – Aarlerinaatip nalilerneqarnera aarlerinaatillu aqunneqarnera: Siunissami qanittumi qallunaat politiit atuuffii pillugit inatsisaat peqqussutinngortinneqassaaq, tassami peqqussutissatut missingiut saqqummiunneqartoq Inatsisartut UKA2021/133-kkut akuersissutigaaq. Ullumikkut Kalaallit Nunaanni eqqartuussisarnermi inatsimmi innuttaasunut akuliuttarnissamut periarfissat pillugit aalajangersakkat atuuttut pingaarnertut ingerlateqqinneqarnissaat erseqqissaavigineqarnissaallu peqqussutip siunertarai. Tamatuma peqatigisaanik aarlerinaatip atsikkutigiissitsinissallu politiit oqimaaqatigiissinneqarnissaat tassani erseqqissumik takuneqarsinnaassaaq. Tamatuma saniatigut politiit pisinnaatitaaneranut piumasaqaatit erseqqissut allattorneqassapput.

Artikili 52 – Erngerluni peersinneqarneq: Qanilleqqusinnginneq, najugaqataasinnaannginneq aamma anisitsisarneq pillugit inatsimmi § 8 malillugu angerlarsimaffimmi nakuusernermik pinerluttuliorput eqqugaasup najugaqarfianit peersissallugu politiit pisinnaatitaapput.

Artikili 53 – Qanilleqqusinnginneq illersugaanissarluunniit pillugit aalajangiinerit: Qanilleqqusinnginneq, najugaqataasinnaannginneq aamma anisitsisarneq pillugit inatsimmi § 1 malillugu, pineqartup allamut inuttut, oqaatsitigut imaluunniit allakkatigut saaffiginnissaanut inerteqquteqarfigineratigut, inuup qanillinnissinnaannginnera pillugu aalajangiiffigissallugu politiit pisinnaatitaapput. Qanilleqqusinnginneq, najugaqataasinnaannginneq aamma anisitsisarneq pillugit inatsit malillugu aalajangiinerinik unioqqutitsinerit inatsimmi § 21 malillugu pinerluttulerinermi inatsit malillugu pineqaatissiissutaasinnaapput.

Artikili 54 – Pinerluttoqarsimaneranik misissueqqissaarneq uppernarsaanerlu: Ilisimannittup nalinginnaasumik uppernassusaata uppernarsarneqarnera taamaallaat eqqartuussiviup aalajangigaatut pissaaq annertussuseqassallunilu. Ilisimannittoq siusinnerusukkut pillagaasimanersoq pillugu allakkatigut apeqqutigineqassaaq allakkatigullu akineqarluni. Eqqartuussivik aamma peqataasut taamaallaat akissummik pisinnaapput. Imm. 2. Pinerluttulerinermi inatsimmi § 77 malillugu § 77-imik aamma § 79-imik unioqqutitsisimanernik suliani, eqqunngitsuliorfigineqartup siusinnerusukkut kinguaassiuutitigut pissusilersuutigisimasai pillugit uppernarsaaneq pillugu imm. 2, uniffik siulleg taamatuttaaq atuuppoq.

Artikili 55 – Eqqartuussisutigoortitsineq ex parte (kalerrinneqaaqaarani) aamma ex officio (nammineq sulissutiginninneq tunngavigalugu): Unnerluussisussaataasunit unnerluussisutigineqarsinnaasunik inatsisinik unioqqutitsisoqarsimanagera naleqquttumik ilimagineqartillugu, politiit nalunaarutiginninnerup kingorna imaluunniit namminneq aallartitaminnik pinerluttoqarsimaneranik misissuinerinermik aallartissasut, eqqartuussisarnermik inatsimmi § 338-p malitsigaa. Pillaanissamik suliap suliarineqarnerata nalaani ikiuuttoqarnissaa pillugu politiit ilitsersuinissat pillugu siusinnerusukkut allaaserineqartoq takuuk.

Artikili 56 – Illersuinissamut iliuitsit: UKA2021-imi eqqartuussisarnermik inatsisip allanngortinneqarnissaa Inatsisartut akuersissutigaaq, tassuunalu eqqugaasut inatsisitigut inissisimanerisa pitsanngorsaavigineqarnissaat, artikilimi allaaserineqartut, pillugit qallunaat eqqartuussisarnermik inatsisaanni aalajangersakkat assingi arlallit eqqunneqassapput. Inatsisissatut siunnersuutip qanittumi Folketingimi akuersissutigineqarnissaa naatsorsuutigineqarpoq.



Artikili 57 – Inatsisitigut siunnersorneqarneq: Eqqartuussissuserisut Kalaallit Nunaanni allaffeqartut, eqqartuussivinni suliani, tassani aningaasartuutit naalagaaffimmit akilerneqarlutik, eqqartuussisusaatitaasut atorfinitsinneqartut, inunnet immikkut ittumik aningaasatigut piumasaqaatinik naammassinnittunut, inatsisitigut siunnersuissasut eqqartuussisarnermik inatsimmi § 84-imi takuneqarsinnaavoq. Eqqartuussissuserisut taamatut atorfinitsinneqarsimanngitsut, oqartussaasumut justitsministerip aalajangiqaanut nalunaarutiginnikkut taamatut pisussaaffeqalersinnaapput. Inatsisitigut siunnersorneqarneq pillugu Justitsministeri malittarisassanik aalajangersaassaaq, matumani eqqartuussissuserisut pisussaaffiisa annertussusaat, inatsisitigut siunnersorneqarnermi suliassaqarfiit suut ilaatinneqassanersut, aamma inatsisitigut siunnersorneqarnissamik kikkut pisinnaatitaanersut ilanngullugit. Inatsisitigut siunnersuinerminnut eqqartuussissuserisut akissarsiassat aamma akissarsiap akilerneqarnissaanut naalagaaffiup karsianit tapiissutit pillugit justitsministeri malittarisassanik aalajangersaassaaq. Inuup inatsisitigut siunnersorneqarnissamik qinnuteqartup, eqqartuussissuserisup akissarsiassaasa ilaanik akileeqataanissaa aalajangerneqarsinnaavoq. Inatsisitigut siunnersorneqarnermut aaqquissuussinernut allanut justitsministeri naalagaaffiup karsianinngaanniit tapiissuteqarsinnaavoq. Nuummi inatsisitigut siunnersuisarfeqarpoq, Inatsisitigut Siunnersuisarfik Namminersortuutitaq IKIU, taanna Justitsministereqarfimmi Civilstyrelsemit akuerineqarpoq § 84-ilu malillugu tapiissutisarluni.

Artikili 58 – Suliat pisoqalisoorsinnaanerat: Pinerluttulerinermi inatsimmi akiliisitsissutit pillugit suliat pisoqalisoornissaannut (ukiut 2) taamaallaat piffissaliisoqarpoq, akerlianilli inatsimmik unioqquutisisimanerup kingorna piffissaq ima sivisutigisoq qaangiussimatillugu, pinerluttulerinermi inatsimmi § 21 malillugu pineqaatissiinerit aallartinneqarnissaannut piumasaqaatit atuukkunnaarsimasutut nalilerneqarlutik, taava unnerluussisoqassanngilaq.

Kapitali VII: Nunasiartornerit- nunagisarlu qimallugu nunanut allanut nunasiartornerit aamma nunamit angerlarsimaffigisamit malersugaanermi naalagaaffimmit illersugaaneq

Artikili 59 – Najugaqarnermi inissisimaffik: Suliassaqarfik suli tiguneqanngilaq. Nunamut qimaasutut isernissamik qinnuteqaatit il.il. qallunaat oqartussaasuisa suliarsarpaat.

Artikili 60 – Suaassuseq tunngavigalugu nunamut qimaasutut isernissamik qinnuteqaatit: Suliassaqarfik suli tiguneqanngilaq. Nunamut qimaasutut isernissamik qinnuteqaatit il.il. qallunaat oqartussaasuisa suliarsarpaat.

Artikili 61 - Non-refoulement (utertinneqarnissamut inerteqquteqarneq): Suliassaqarfik suli tiguneqanngilaq. Nunamut qimaasutut isernissamik qinnuteqaatit il.il. qallunaat oqartussaasuisa suliarsarpaat.

Kapitali VIII: Kapitel VIII: Nunat tamat akornanni suleqatigiinneq

Artikili 62 – Nalinginnaasumik tunngaviit: Paasissutissanik amigaateqarpoq – paasissutissat pissarsiareqquneqarpata pissarsiarineqarsinnaapput.

Artikili 63 – Inuit navianartorsiortut pillugit iliuuseqarnerit: Paasissutissanik amigaateqarpoq – paasissutissat pissarsiareqquneqarpata pissarsiarineqarsinnaapput.

Artikili 64 – Paasissutissat: Paasissutissanik amigaateqarpoq – paasissutissat pissarsiareqquneqarpata pissarsiarineqarsinnaapput.

Artikili 65 – Paasissutissat illersorneqarnerat:

Kapitali IX: Nakkutiginninnerup qanoq ingerlanissaa



Artikili 66 – Arnanut nakuuserarneq aamma angerlarsimaffinni nakuuserneq akiornialugit suliniutinut paasisimasalittut suleqatigiit: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 67 – Isumaqatigiissusiortut pillugit ataatsimiititaliaq: Peqataasunit aalajangersimasunik suliniuteqarnissaq aalajangersakkakkut naatsorsuutigineqanngilaq.

Artikili 68 – Ingerlatseriaaseq: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 69 – Inassuteqaatit nalinginnaasut: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 70 – Nakkutiginninnermi nunat inatsisartuisa akuutinneqarnerat:

Kapitali X: Nunat tamat akornanni pisussaaffiit pillugit

Artikili 71 – Nunat tamat akornanni pisussaaffiit pillugit:

Kapitali XI: Isumaqatigiissummut allannguutit

Artikili 72 – Allannguutit: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Kapitali XII: Inaarutaasumik aalajangersakkat

Artikili 73 – Isumaqatigiissutip sunniutaa: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 74 – Aaqqiagiinnnginnernik aaqqiineq: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 75 – Atsiorneq atuutilerfialu: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 76 – Isumaqatigiissutip akuersissutigineqarnera: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 77 – Piffinni atuuffia: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 78 – Nangaassutit: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 79 – Atuuttuussusaa aamma nangaassuteqarnerup nalilersorneqarnera: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.

Artikili 80 – Taamaatitsineq: Peqataasunit aalajangersimasunik suliniuteqarnissaq aalajangersakkakkut piunasaqaatigineqanngilaq.



Artikili 81 – Nalunaarutit: Peqataasunit aalajangersimasunik suliniuteqarnissaq aalajangersakkakut piunasaqaatigineqanngilaq.

Eva Jørgensen

Ilanngussaq

1. Arnanut nakuuserarneq angerlarsimaffinnilu nakuuserarneq pitsaaliorniarlugit akiorniarlugillu Europarådip isumaqatigiissutaa (Istanbulimi isumaqatigiissut)